

半行庵詩存彙

半行庵詩存彙卷六

吳縣貝青喬子木

歸自黔蜀閱十九日復有浙西之役慨成二詩

遠遊候三載里居僅兩旬飢驅不遑息行色催蹉輪母髮  
梳有雪婦手炊無薪歲荒或凍餒歸與共苦辛乃復迫離  
緒歡聚無幾辰眎家若傳舍棲止多逡巡艸艸理吟篋茫  
茫逐征塵此行祇千里稍慰閭望人

親故間我至紛來扣門牖知我又將行悽情各低首瞻此  
衡宇歡何事四方走齊土不易居酸士尤難守蠻中一歲  
糧吳下一宵酒久棲枯涸鄉歸駭俗何阜外炫繪益華中

枵蠹將朽憂倅凋故顏家食軫吾友

夜飲山塘卽席留贈

歌筵燈舫畫橋陰萬里歸人快共臨此夕旗亭狂賭唱頻  
年楚澤倦行吟渾拚綺譙傾千盞那便緇塵洗一襟隄柳  
依然縈別恨明宵歡夢倍難尋

平望舟次

遊舫松陵路向南熟梅天氣雨初酣桑陰兩岸濃如幄記  
著蠻鄉榭餽蠶

擢歌唱暝出荻蒲助我吟聲入夜孤誰補曝書亭裏曲簾  
湖原合配鴛湖

薛思蘿情載滿航尊前風味問漁莊  
竭來飽噉官府肉何似銀魚目一筐

舟過嘉興

舊識漸江路初程便繫思破疑蘇小墓  
圓夢冷仙祠前事留塵跡新愁感鬢絲  
停橈三塔下鈴語助淒其

石門道中

烟雨空濛際欹帆過秀州柳隄通水驛  
桑陌出城樓賽社絲開市祈年麥報秋  
翻教饑饉後緩稅得無愁

杭城曉發

望裏吳山溼翠濃舟人催發阻攜筇  
蓬窗徹夜滿蕭雨況

復嚴城隔一重

曉程烟外去帆孤  
惜未尋春問酒壚  
一過錢塘一相訪  
空留舊約在西湖

衆安橋施將軍廟

舉世孰忠義一身能發之  
有人禪藏七此卒祖交鉞  
靈祀鄉開社榮褒史載詞  
治官須範鐵雪憤鄂王祠

禹航感舊

林翠不改色一路西溪邊  
幾折到闌市步履重流連  
阿父昔游幕舉室曾來還  
一瞬三十載指跡如飄烟  
故居認門徑分郵翠作田  
兒戲舊栽柳百尺池東偏  
猶記弱好弄盤

馬戲廣阡阿父爲驚笑縱轡兒防顛此事如昨日此恨遂  
終天水程一宵宿風樹雙淚漣

玲瓏山臥龍寺爲宋妓琴操薰修處明萬厯中掘地  
得墓碑好事者遂爲築冢焉道經其地詩以弔之

團雲小队鳳窠中懺盡情場一夢空今日墓門來弔客不  
嫌冷落梵王宮

紅啼綠怨幾番過老大催人祇刹那絕倒風流蘇學士也  
將春夢付村婆

貞珉剔蘚認遺文坑底青蓮火未焚一樣埋香三尺冢何  
如海上哭朝雲

新溪早行

曉烟溼不飛低撲一溪水搖漾晨曦光霏陰掩霞綺野趣  
隨所欣旅行莫由止鵲鳩啼引人一路簫簫裏吹萬夏綠  
雲雨思滿遙沚甘澤欣良苗清臭悅芳芷溪上誰幽棲雙  
扉晏未啟

過錢吳越王故里

我行石鑑村前路正過婆留降生處龍飛鳳舞天目山宜  
有異人發祥去羅平鳥集妖燄流鹽販割據東南瞰射潮  
怒奮三千弩跨海雄吞十四州扈從歸來此巖岫衣錦之  
榮耀耆舊豪興不減歌風臺林木滿山盡文繡至今世紀

茗水湄鐵券華胄千秋垂地連懸記謚師寺名重表忠蘇  
子碑所惜雄才乘運起祇一朱梁節度使事魏不失孫仲  
謀尊唐終愧李亞子我撫英跡爲歎吁如此人豪無遠圖  
他日湖山縱還我依然半壁支偏隅

於潛道中

撲面林霏冷似秋籃輿蹋翠度潛州雲連玉柱羣峰暝鑛  
闕金磬小塢幽山荒野芎開藥市紫溪赤瀨合蒼流洞天  
聞有雙清在遲我奚囊一覽收

贈昌化程七明府

飢來橐筆走邊垠猶記河梁袂乍分養母三年能諾我論



交四海要推君互看衰鬢霜將集爲話離悰酒易醺底事  
初栽花滿縣宦情早淡若浮雲

雙溪

一派蓮溪燕尾開雙流我見此三回杜陵僑寓東西瀼漫  
與幽棲大小洞勝地儘容吾輩賞名山偏讓古人才髯蘇  
去後林亭寂禊事誰修曲水隈

題林靈素眞武符咒碑

宣和有碑此南渡唐昌縣前屹當路誰將楷法書琅經金  
門羽客林靈素北極一咒標靈符合配教主神鷹圖急急  
律令七百載磨泐幸未埋榛蕪我思東華帝君下御宇雙

臣金童妃玉女斗醮方臨白鶴壇邊塵不問黃龍府五雷  
右判爾何官誘脅君心入深蠱幸早羽化歸下泉瞥仙未  
罹兵解苦不然妖妄若郭忠六丁六甲矜奇功倉猝天兵  
竄如鬼礮車騰灼神霄宮嗚呼艮嶽焚樓蕩無跡留此丹  
房一片石志心弟子供香花墓拓猶稱鎮凶宅爾不聞假  
託此仙藍道行曾摧天水冰山傾是或辟邪有寶錄何用  
敕勒誇中盟

約友游天目

雨浙林巒寄興孤甌思雁蕩枯仙都裏糧數到東西目聯  
檣看成主客圖淨域從君談勝跡名山待我了吟連傳聞

洗眼池猶在好帶金籠入嶠壺

循雙溪上南屏山游普照寺雨至而返

小邑山作城周遭拱衛固中貫帶水流分派爭下赴晨陟  
出溪上長杠怯吾步旣濟迤向南巨麓莽盤互松栝陰森  
森三折上山路蒼黛撲縣齋詭狀久神慕及此搢策臨一  
起烟霞痼

寺衲下山忙雙扉鍵丈室塵土來款扉箕踞態何逸貝典  
夙未諳邑乘古能迹光騰般若臺三字坡仙筆揭勝懸龍  
蛇勢挾棟雲出助我吟膽豪閑彼禪心謚棒喝古律師藐  
茲佛子蝨

一笑別虎溪晴紅收梵塔颺發自西南雲陣四山匝走空  
響乾雪中擣雨聲雜喚渡無梭船投宿鮮繩榻深恐歸路  
遙避淋莫吾納喘奔及縣門檐溜放點颯迴顧天迷茫抹  
卻巖翠沓

讀史偶感

伴龍堂餐敗薦函避賢能舉替人擔紙糊泥堞平生業一  
事差強作美談

夜起

更盡悄無睡起行庭宇間階霜警虛枕簷月定空山幕怯  
燈搖談麤羞酒破慳忽聞林送響眠鶴踏枝還

同人以余納姬投詩見調賦此爲答

遠齋鏡具返邊陲營到菟裘向後時大婦病多思佐饋慈  
親年暮待舍飴懷安詎忘鞍消髀卻老休嗤躡去髭一領  
青衫閒檢點香山心事小蠻知

自題齋壁

遶廬松竹逕彎環儘許幽禽日往還隱几靜聽雙磎水捲  
簾深貯一房山書摹玉枕纖毫弱詩媿金荃綺句刪容我  
此間常養拙有何塵夢到人寰

登武隆山絕頂望天目

翔鳳林開古洞天迢遙入望翠微巔赤城霞氣三霄迴黃

海雲濤萬頃連此處臥游勞夢想幾番朋約負吟篇何時  
擺脫塵鞿縛快向雙清作散仙

題畫

髻鬢晴嬉一院春此中根觸豈無因棘門灞上如兒戲我  
亦曾爲冷眼人

吟成最易感春華多少離悰付柳花吹入東風難捉住零  
星萍跡滿天涯

旅館書懷

七尺昂藏負所期幾經摧折入時宜幕中伴食諸名士麻  
下傭工一小姬齒冷強隨花共笑心雄惟膽劍能知商量

身世渾無賴辛苦吟成有斷髭

林文忠公諫詞

一代新朝政歡聲動紫樞世方開運會公遽殉馳驅  
王事嗟何亟臣身信已劬竭誠天北闕留憤海東隅烟  
毒財傾府兵塵火走艦戎勦將唱凱吏議竟羅辜犀照然  
臨渚狼奔納入郭金牌遠節鎮鐵券錫羌奴割地紛開市  
尋盟擅縱俘先皇遺誓箭嗣主奮威弧四罪終遭  
褫羣工爲辨誣風雲拱繡陛日月麗瓊都連牘爭延  
薦臨軒特允俞宸衷堅倚重衆望切來蘇解紱初歸  
里徵書早在途禮隆心倍盡食少體成臞病榻調停藥雕

輪促駕蒲進思陳稼穡處肯戀粉榆適警潢池叛宜加涿  
野誅使臣齎 尺東私第拜兵符力疾趨離水行營過粵  
禺救圍遑敢緩醫國奈先痛夜冷飛星隕秋高大樹枯武  
鄉臨表泣宗澤渡河呼氣短騰槽馬聲揚集幕烏譏成坡  
落鳳妖長戍鳴狐藤峽懸軍待榕城返覲扶應知藐躬率  
翻覺 厚恩孤 黼座精求治盈廷顯作模健旋時局轉  
雄振武功膚頌勒浯溪石詩賡慶厯圖中興欣有象良弼  
契尤孚 特召頌三節頒征賜百旌 聖襟垂展俟神馭  
跨箕徂幸值 龍飛瑞虛承驥率需昌期眞負負大用祇  
區區迴憶巖疆靖咸蒙閭澤敷莅官嚴簋簋弭盜肅荏苒



寒陵揚眉盛編氓鼓腹娛年饑忘菜色春暖護棠株去謫  
荒郵遠旋看沃野蕪鼠殘郊食黍鴻餒澤棲蘆餉迫西陲  
給糧疲北漕輸江鄉空村柚河遊費麥芻島戶潛營窟山  
獐莽負嵎和戎多魏絳攘狄少夷吾再起籌帷幄初經燿  
火荼旌麾新色變鑄吹故音喁按部民歌袴迎師路挈壺  
敵驚纔碎膽天奪倏捐軀裏革終蠻甸攀髯繼 鼎湖  
九原遺憾在四海替人無杜厦多才彦韓門有豎儒罷驚  
充下駟豚菴及羈維灞上曾磨盾階前復濫竽三年親柴  
戟萬里厯嶽嶠喜躍聞傳檄依投願執父偏教私設位何  
自祭當衢扼腕聽輿論推心惜 廟謨宏材施未盡千古

怨洪爐

寒夜枕上作

得伴梅花睡不鰓風簾影動夢初還生憎促曙譙聲急  
耐消寒酒力慳耿壁疎燈青隱樹冒檐涼霧白沈山休嫌  
夜色清如許世慮須從靜處刪

冬窗雜興

萬壑沸喬松墜戶圍爐逸興濃日燥廚薪添熱爨水  
枯溪碓息寒春吟邊炙硯融開凍醉裏冰齋脆入供多少  
茅簷官事急殘年雞犬擾租庸

客有自故鄉來者爲言郊居近況詩以記之

首祚吹開大地春  
蠲租恩詔下江津  
追呼倍見官符急  
連夜荒村吏捉人

春郊卽目

滿郭林霏積翠潤  
迎眸山趣愜幽探  
溪流受雨添春漲  
日氣蒸雲見夕嵐  
遙陌蘼蕪看放犢  
連村簫鼓聽祈蠶  
嬉晴何用香塵路  
狂趁花晨鬪錦驂

武隆山

步出縣西門  
訪古忻平寺  
磅礴指崇岡  
李唐事可記  
應識在武隆  
女主鍾王氣  
唐山忽改稱  
復辟中宗世  
天下屬誰家  
二姓爭此地  
我來陟荒麓  
風雲有餘媿  
鸚鵡翅折不飛龍

種起相嗣嗟爾川嶽靈猥爲牝朝瑞新豐有慶山名亦僞  
周賜何如五鎮榮明皇遣官祭

遣興

栗留啼徹好林塘賓暑羈情漸坐忘太白酒懷宵一斗小  
紅詩課日三章機心溪畔看鷗鷺狂態花間笑蝶忙靜裏  
不知春事去迸泥新笋出鄰牆

澄寂寺

盤磴夾兩崖蒙茸塞衆綠樵外來跡稀地苔厚如褥道經  
此峯切道暑叩僧築露莽鬱遙岑風籟遞虛谷松陰十里  
涼曉翳層梯曲午蔭逼火雲罅漏光倒燭中藏古石龕叢

灌紛相束綠壁藤垂纓鳴砌泉漱玉烟情爽一襟塵跡淹  
雙躅睠此幽境佳奈彼游晷促戴笠下陽岡咄咄炎歊酷

桐廬

溪流斜抱半城偏投暝征篷纜渚烟巖瀨夜濤喧到枕桐  
山朝翠潑當舷曳聲蟬度林墟密出網魚登水市鮮差喜  
江風吹暑散涼窗穩我枕書眠

富春江觀潮

舟下七里瀧江闊勢漸拓潮平穩放帆快我乘風樂柁轉  
開郊墟言抵富春郭是時日西沈暝色斂遙漠東望互海  
門夕汐闐然作一白天際來雪浪排空落吞吐隨神鷗中

或駕鯨鯢震撼隄脚搖奔騰山態活怪哉胥種靈奮此怒  
濤惡三日何失期一射何引卻臨流弔問之英魄得無忤  
爵酒杯頻傾投詩稿屢削海月烟茫茫水窗坐吟酌

有示

鏡盒釵匳載半舫五湖歸去一娉婷蠻妝乍改容難冶吳  
語能調舌自靈侑酒偏教先我醉敲詩常索解伊聽嬌態  
莫恃全家愛廬下齋鹽更慣經

新涼

一院秋光向暝生蕭閑最愜病餘情茅檐雨歇蠨蛸織瓜  
架風涼絡緯鳴飮座朋歡親酒榼下帷書課就燈檠欣聞

四野炊煙盛夕膳嘗新有早秔

祖觀上人營生壙於五峯山祖塋側其地去支道林  
落鶴觀及陳白陽金聖歎二墓皆相距不數舍也繪  
圖索題爲書五絕

五峯環列翠螺堆指點佳城傍麓開喜殺山中千歲鶴支  
公行見後身來

風吹宿草掩芳厓名輩棲神聚漆燈此地不容埋俗骨天  
教留穴待詩僧

遠仙冷抱此重開竚把鴉鋤次第栽分種梅花一千樹墓  
門香接寺門來

餘技名高鐵檻中手揮珉石自能工請留元祕南原塔無  
事書丹倩柳公

梨花寒食幾番春墻祭何堪賸子身料理他年新麥飯好  
隨衣鉢付傳人

金雞墩寫望

芳筵午飲罷酣呼花市梢頭野步孤游騎勒人臨寺住吟  
筇送我過橋扶梯收桂蕊黃盈壠繩押菱秧綠半湖攬此  
家林添夙悵頻年浪跡負尊鱸

閨中秋示諸弟

庭桂吹香滿座浮偏從歡聚話離愁今年兩醉家山月補



得他鄉五度秋

蓬門

蓬門纔見卸征輪  
忽又郵程迫去津  
在客祇思歸奉母  
到家仍復出依人  
聚難惟囑書頻寄  
別慣方知淚最眞  
禁得薄游能幾度  
驚心親鬢頓如銀

九日有懷

連夕清霜減翠嵐  
雁聲流恨滿江南  
百年歡會宜重九  
萬里知交孰二三  
風雨秋深催去夢  
關河兵阻斷來函  
天涯幾處登高客  
插到茱萸思不堪

寄懷楚友

大有騷情楚澤留關河搖落迴生愁峽猿啼月黃陵廟江  
鶴橫風赤壁舟游跡幾人狂載酒賦才從古倦登樓荆雲  
郢樹無消息淒絕涼天雁到秋

桂嶺

桂嶺風烟百戰中苦無消息問南鴻更番露布傳三捷依  
舊風聲駭八公遠服徵兵傾列郡中原轉餉困司農大星  
飛墜軍興始更望何人振武功

明孝惠邵太后昌化人也偶檢縣志感及議禮事爲  
賦此詩

唐昌西十都軼事詳邑志云有漕卒家昔曾誕皇姬侈談

四百年門楣留舊第我思嘉靖朝羣臣爭漢議憲祖一宸  
妃誰爲上尊謚新進張桂流邪說更古制進冊奉慈殿微  
號稱仁懿寵及椒房親五等封罔替大禮聚訟繁外戚邀  
恩異獨惜廷杖人撼門徒任氣

憶銀坑粵西戎幕

狂獻蜚市憤難平況復鄉關苦戰爭萬里棄官援故土一  
家攔敵陷圍城危疆愁絕蒼梧野堅壁驚摧細柳營莫怪  
笳聲吹不競軍威早挫在東瀛

海昌蘇士本屬題鹿院紀游圖

匡廬首推白蓮社名流代有棲真者一從鹿洞陳臯比聖

城宏開鄴風雅羨君濟搗道滿曾曾向靈境窺儒宗五岳  
求仙非所慕底事飛躡青芙蓉徵國象山夙欽仰同耶異  
耶一而兩後生幸得依門牆六百餘年入緬想當時座下  
環衆嵐就中五老如朝參得丹尼山降庭後重來聽講吾  
道南迄今貌取付圖繪先哲餘芬展猶在自是紫陽私淑  
人方許升堂一相對我肯溢浦揚輕帆尋勝惜未攀雲巖  
曾須鼓篋隨君去攜手名山叩石函

哀甬東

鄞縣賦額浮徵逾倍東鄉衆戶闕求減價當事謂  
爲亂民檄兵往剿丁壯懼而逃惟婦稚在室淫掠

之於是四鄉公憤併力出拒兵民互傷以千數怪  
哉此事爰記以詩

海氛甫戢兵又起祇爲官中急追比狼烽一夕紅過江血  
染連村成戰壘耕男饑婦猛一省闕饑飲冤死猶警往時  
催科胥在臂今時催科乃在頸嗟爾不許官取盈堂堂師  
出誠有名島夷旁睨大驚詭此軍獨敢鋒鏑嬰

寄輓程三

沂海

紛紛傷逝淚沾膺作達如君得未曾垂死病中傾別酒滿  
堂豪譙夜張燈

野興

有何盤谷足，徇作旅客。郊川趣便長，墟樹團烟藏。古寺山  
溪隈，雨進輕航久。思避地棲蘿，徑準擬移家。置草堂除卻  
故鄉，皆樂土耕桑容易辦官糧。

詠史

量錯籌邊爵，濫施誰知作。備誤來茲秩，官諧價常開。邸商  
販邀榮競犒師，縱使貲郎財盡竭。何堪債帥餉空糜，漫言  
腐史多騰謗。平準書猶未盡詞。

山衙

澗跡山衙任久淹，小園日涉趣頗添。竹扶稚菊排當砌，繩  
引秋瓜蔓上檐。樂命奚疑陶令酒，感時多難杜陵鑷。野人

何計希前哲搔首風塵思莫緘

觀演長生殿雜劇

譜按霓裳李阿瞞梨園舊部此重看雄關警報兵何急內  
殿酣歌讌未闌一代浪誇初政美三唐早識中興難金錢  
會裏琵琶曲彈向江南淚不乾

關中對策既畢硯有餘墨書二絕於號壁

席帽場中逐隊嬉倒紉幾輩笑同貽問他揚鱗賓興日當  
代椒山是阿誰

朱衣漫自點頭頻策到時艱孰竟陳安得陽明來作事今  
有空際喚三人

羣公

清時衮衮炫輕肥多故方知粉飾非  
百爾歸思懸畫錦萬幾樞務任宵衣  
臨戎有策談心學封事無章競腹誹  
終望羣公憂國淚盡情揮洒到民依

擬唐人塞下曲

漫想宮人製戰衣幾時溫卹到金微  
內臣傳說天顏喜博局雙骰早賜緋

六泉季父積善西院採梅遺墨

野寺尋春徑熟諳廿年重向畫中參  
花情寂似吟朋社門祚衰於古佛龕  
澤縱能存人已杳樹猶如此我何堪  
披圖



無限蘭亭感記著曾隨杖履探

流聞

聖財桑孔計何工株送城仙爵武功絕倒紛紛窮措大漫  
思銅臭染鬢宮

歸里後江

廣

設飲卽席呈徐

晉銘

管

蘭滋

歲晏家林暫息鞍芳鄰招讌具壺餐茫茫世路游非易款  
款鄉情得最難多故江山兵警急承平間巷酒懷寬吾儕  
能幾博沙聚莫怪臨觴語帶酸

除夕

頻年風雪阻歸裝今夕依依共一堂設祭先筵悲久曠佐

餐鄉味快重嘗故園燈火猶安堵游地烟塵半戰場來日  
懸知愁似海不辭沈醉引千觴

青浦縣舟夜

此處狼烽昨起煙悽惶過客警宵眠岸燈分照鄉團柵津  
檣屢巡旅泊船亂後原田遺滯穗焚餘墟市葺新廛戴牛  
佩犢緣何事略緩追呼便帖然

過瀆旅感

華夷珍怪互招搖贏得鯨濤暫息鷺蒿目中原財力竭驚  
心邊豔物情饒極天花月喧宵市潑海金銀湧午潮衆醉  
何容中獨醒儘拚曾次借杯澆

春郊誌憤

元戎引得敵鋒來，雲見東南半壁摧。  
方擬三年平桂管，何期萬里逼蘇臺。  
風霾匝月昏遮日，地震連宵奮走雷。  
推轂五行徒駭愕，料應天發殺機開。

邊聲動地越長沙，楚尾吳頭亂似麻。  
挺險岸兵羶帳裂，順流江賊錦帆斜。  
山墟螳聚遷成垤，水市蜂喧散若衙。  
天塹重重皆鎖鑰，伊誰堅守靜鳴笳。

興元宜詔下，楓宸士氣緣何激。  
不振河北倉皇廿四郡，江東閱寂八千人。  
鳬飛邑宰潛遐舉，鼠竄疆臣亂出巡。  
幾輩勉爲溝瀆殉，褒忠幸得被恩綸。

岌岌姑蘇累卵危，愁聽城角咽風吹。  
義旗召募椎埋喜，戎幄參謀駟僮知。  
輦送盜糧求緩敵，檄傳番舶乞援師。  
終軍初志吾猶在，極望神州淚暗垂。

移家至浙西作

吳儂安享久，風鶴忽相驚。  
埃火傳千里，炊烟散一城。  
介推偕母隱，冀缺挈妻耕。  
遁跡辭鄉土，時危去住輕。

舟過杭州舊所見

東籬開府建牙璋，震若黃巾近犯疆。  
鼎沸一城兵聚鬪，磬懸萬室主逃亡。  
水關雲集譁封鎖，江路風狂亂去樁。  
較遠金閭三百里，戒嚴刁斗太張皇。

自臨安至於潛夜宿浮溪旅店作

一路驚風捲地寒相逢翁媪話辛酸  
村農告瘁思懸耜山賊乘機競揭竿  
孤館翦燈情黯淡幾家支枕夢平安  
何當寄語催租吏稍許耕桑手足寬

旅窗雜感

何處仙源可避秦  
僑居山僻幾淹旬  
鶯花故土懸千里  
雞黍荒村洽四鄰  
虛願躬耕長沒世  
漫將家累暫依人  
最難寬解慈闈意  
兵燹江鄉憶舊姻

山中風聽易傳訛  
甚事關心喚奈何  
仗爾安危名將少  
由他笑罵好官多  
愁邊曠野皆荆棘  
夢裏春城尚綺羅  
容我

蓬廬高枕穩偏聞挨戶急催科

村家卽目

桑榆罨屋綠陰斜  
世外棲遲四五家  
何處山桃經雨謝  
門前流過一溪花

贈昌化令程七時鄰邑宣城甯國臨安新城於潛諸  
令或被民逐或被民戕惟昌化帖然鄰民並有借寇  
之請大府以於潛較近檄程七兼知二邑事故有此  
作也

東南財賦困輸將  
十九雷封闕納糧  
爲問閭閻擾雞犬何  
如芻牧長牛羊  
四鄰道路榛蕪塞  
百里田疇稷稻香  
祇爲

春陵能獨唱任他下考列彈章

漢室

漢室重熙聖武恢膏宇四絕若枯摧風塵涕淚千秋鑑金  
粉江山入寶臺黔首鵠居茲蘊孽赤眉蠶煽莽生魁遙援  
瑩戶榕城起爭引蠻獠桂嶺來吳楚舳艫帆影亂淮徐壁  
壘角聲哀蔓延梁苑簞吹火震動燕畿轂走雷毒霧紛騰  
流萬里將星參錯傍三台狐疑神算飛符緩狼戾兵猾插  
羽催巾幘餽遺羞妾婦綺羅飄曳耀輿僮微私祇自全軀  
切盡抱何由漚膽開三北旌旗光慘黯二東杼柚勢喧阗  
黃圖此日誰珍惜青史他年足笑哈裝演麒麟空有植調

和鼎肅久無梅沈沈珊海埋才藪赫赫銅山入仕媒足用  
通經惟狗曲空談滿紙盡鴻裁十年召亂和戎策四海搜  
窮活國財錢額米糶徒輾轉幕賓廊吏費徘徊終循弊政  
流何極盡變徽章挽或同青嶺偶然妖應讖紅羊頓若劫  
揚灰野人生及逢全盛苦憶先朝宴鎬杯

中秋月夜感賦

去年金陵當此夕墮聚鵲袍秋試客冷飲秦淮幾酒狂笙  
歌沸徹東方白今年金陵又一秋蟻賊竄據恣屠搜礮雲  
滿城攻不下戰血紅漲江潮流人生幾閱星霜改轉眼關  
山一桑海避跡荒陬幸告存重見茅檐月舒彩此月依然



照九垓清光卻逐妖氛開士女幾家經慘躪樓臺幾處遭  
焚摧月中八萬四千戶下視曾無乾淨土大地高騰輦鼓  
聲廣寒驚斷霓裳舞最是區區蟣蝨臣傷心建業六朝春  
瓊樓玉宇高寒處莫遣蝦蟇掩鏡輪

寒塘泣夢圖

紀秦母畢宜人死事也宜人爲礪泉賊撲家孫婦  
癸丑二月賊陷金陵宜人率全家婦女十一人投  
東塘水死其子宗武宦遊浙西得免於難繪圖徵  
詩

家雞遭變逐野鷺慈烏獨抱全集覆孤雛瞿瞿慘叫天不

是尋常泣風木爲問孤雛慘若何金陵城中殺氣多朝聞  
元戎出環甲暮聞天兵齊倒戈戔戔石城薄於紙悉索紅  
閨辦一死況是先朝命婦身忍見羣娃陷賊恥聯臂爭投  
水一泓芳體何容染泥滓桃葉渡莫愁湖膩波浴血紅模  
糊祇有東塘之水清且泚會見開出朵朵青芙蓉

九日約游天目不果

猿鵲驚擾莽生愁孤負西風一段秋白屋流亡墟市寂綠  
林嘯聚梵宮幽壺觴高會情何極咫尺名山願莫酬猶記  
壯游無幾載蠻鄉萬里任窮搜

題沈四山人遺詩

山人名謹學傭耕於甫里之楓莊治田泥古法坐  
廢其業吟嘯自若也卒以貧死

一種田家野趣饒忘飢忍凍任逍遙能安耕鑿貧非病此  
是先民擊壤謠

### 昱嶺關懷夜

四山刁斗激風湍警枕連宵夢不安失律殘兵隨馬謖亂  
行羣僕倚揚干岷流鐵鎖沈千尺兩谷泥封恃一丸卻憶  
岳家軍令肅背嵬曾此躍銀鞍

### 新安賊退喜贈石觀察

景芬

棲身緹幕劍同孤觸處悲涼擊唾壺帶汁羞逢諸葛亮過

江幸見管夷吾西風破壘羣鴉噪落日荒城萬井蕪憑仗  
威棱寒賊膽望塵爭迓黑雲都

休甯遇胡慶復賦贈

窮交多落落握手劇悽然公子誰門下王孫自道邊狂拚  
人欲殺貧到我猶憐慰爾一樽酒終期先著鞭

再贈

自命居何等投時計總差小人猶有母游子已無家幽憤  
沈杯酒浮榮閱鏡花何當尋杜曲歸養課桑麻

旅感

階砌碎語著霜稀客子蕭寒未授衣飲露秋蟬徒自潔遶

枝宵鵲苦無依勢熏要路難啼笑氣短窮途略是非安得  
菟裘營就處載書歸老掩雙扉

過於潛盛錯梨塢村居設讌款留座中諸子多有自  
軍中歸者縱飲劇談慨成四律

哀懷荒雞動夜闌登堂破笑共盤餐菰蘆人物如星聚桑  
梓情懷對月寬壯不如人還撫髀生無知己浪披肝儘拌  
伏囅窮經老爲底憂時涕不乾

普天鼓吹十年前陵谷傷心倏變遷歸對妻孥驚若夢出  
尋耆舊散如烟烏衣巷冷秋風裏黃鶴磯空夜月邊最是  
南朝金粉地銅駝遺恨草芊綿

直北關山勢鬱蟠邊愁驀地入長安蓬萊宮闕星河迴禾  
黍郊原鼓角寒海舶差稱輸漕穩天戈猶憶拓疆寬霜天  
萬里多驚殺慘聽鴻磬徹耳酸

任是新亭對泣時蕭閒衡泌足棲遲曲江盛事談天寶彭  
澤清風眷義熙華屋燕尋摧破壘芳園花發燒殘枝填膺  
萬緒逢今夕醉裏乾坤付一卮

感時述事九首

征剿

鳴笳吹角來天上撻伐頻年屢易將頑頑意氣互登壇走  
馬惟聞四催餉虎毛玉帳酣睡中邊烽騰入中原紅叱咤

風雪聲滿紙披讀露布皆奇功養癰積漸成漏脯臣罪何  
堪擢髮數檻車甫見囚建纛旋鳴騶請室復何辱籌筆亦  
何憂死者廟食生封侯

防堵

外寇防邊隅內變防環堵兩戒山河一統中各展閫才嚴  
守土積年征繕備賊來幾回無風自揚埃一旦兵塵漲郊  
藪倉卒登陴旋卻走記自梧野窺衡湘爭扼水隘防荆揚  
水防旣潰陸防急防豫防冀防徐梁坐令九州盡恒擾賊  
梳兵櫛無完疆

徵調

有唐府兵制一改紛紛徵發騷四海兵額濫召募兵差急  
征徭縣次續食星程遠部曲不知誰素將暫隸旄麾隨所  
向恣跳踉過境蝗潛潰走喪家狗傳驛來逃伍回行間紀  
律何喧虺君不見漠北藩侯來助順海東蜚戶進觀釁師  
行艦步亂沸騰幾處人烟隨劫燼

### 收復

都城雄踞屹若磐下邑城小如彈丸環攻直搗兩不下濠  
塹中結妖巢安間一合圍誇戰克振旅入城無一賊多少  
殘區棄不收黔黎髮漸長盈尺君不聞兵打城堅如鐵賊  
撲城脆如雪一城未復一城亡閫司妾舍多徬徨起視金



湯日割據狗脚有朕稱天王

團練

義旗結連村戰鼓震盈野江湖大有誓師者何物搢紳稱  
先生手捧詔版心怔營哄堂傳令雜市僧官私兩部蛙亂  
鳴問伊軍國知甚事漁獵間間勢熏熾粉拏烏衆嬉滿城  
醉夢萬家衽席寄畫徵逐宵游巡邏棘兒戲非其倫迎降  
藉口保鄉里更有傾家款敵人

捐輸

紓難捐兵餉免禍捐賊糧借端百法廣恫喝奴輩利財各  
肺腸銅山金穴厚封殖焚身當逐灰飛揚算及窮毗抑何

苦稱提估籍恣搜塲刮盡脂膏偏地瘡供養輿儻縱歌舞  
軍儲日以竭寇氛日以囂徵求符牒紛如毛捉錢令史摸  
金尉分肥買貴方嘈嘈

援納

爛如都尉羊賤如職方狗名器之濫古亦有不圖籌國重  
納粟是何腳色盡熏沐一行作吏如行南市道授淫透朝  
局西園價頻減東銓例廣推匡時良策無他爲士林流傳  
多謬種書香銅臭一氣隨風吹獨惜華途競巧進繡野先  
遭賊殘躪疆臣拜職出天閭露棲無地赴方鎮

保舉

戡亂知難望時彥詔許冊功亟登薦鼓舞人心草澤中倘  
有英奇起寒賤那教口惠虛市恩復敗黃緣路一綫志士  
同仇瀝肝腑健兒渴賞奮干櫓禮羅義激兩無聞漫說生  
才不如古君不見轅門陣脊交蠅營填瑣姻姪首竄名告  
身百道到臧獲獐頭鼠腦影長纓

賜卹

建崇祠議隆謚俎豆馨香表死事古人殉國何堂堂慷慨  
從容辨難易何期計畫無復之婢妾自經亦稱義青燐碧  
血幾戰場幸蒙請卹皆國殤沈沈寸丹究何在容或腐骨  
騰幽光野史何人親訪察平生此志常冀豁會見名山書

出時九原姦魄遭誅殺

乙卯仲冬歸自浙西過葉丈

延珩

齋出示去年病中

摘句懷人詩讀竟意別有觸卽用自題原韻

世事

故民生漸不聊里中君息影江上我歸櫓出處

虛千古悲歡併一省祇餘吟興在老去許愁消

高詠昇平日追懷信平倚春林紛吐豔烟海浩生漚各抱  
名山志俄成逝水愁多君塵劫外特向蠹餘搜

趙宗建

索題東臯老屋圖其地爲瞿忠宣公東臯艸

堂遺址

名山端仗後人持

卽用忠宣公句

易主園亭繫去思宗社難扶埋

浩氣家林有託颯英姿浣溪故閣仍椿蔭拂水荒莊自柳  
枝寄語重來華表鶴舊巢無恙好棲遲

粵徼重提恨不禁虞山風物故清森代興門祚渾如昨轉  
劫兵戈繼自今花月甯隨桑海變乾坤儘許艸廬吟卜鄰  
有願偕棲遲一櫂琴川泛夕陰

半行庵詩存彙卷七

吳縣貝青喬子木

湖上感舊

懸情隄柳故依依  
彈指歡場舊夢非  
吹暝風欺歌舫寂  
媚晴花怨酒人稀  
星河幔底愁侵枕  
鼓角燈前淚染衣  
莫是鷗鄉秋信早  
烟波如許獨悽歔

一笑

一笑人間世  
頽然酒獨傾  
狂奴猶故態  
孺子盡成名  
東海慚高蹈  
南陽負息耕  
伊誰千里志  
伏櫪尚悲鳴

自紹魯村入天目輿中作

牛下角詩存卷十  
風顙今朝遂輕身駕筭將市聲隨路杳山趣入雲翔悅耳  
迎樵唱清心遞梵香近來詩思澀多恐負奚囊

### 禪源寺

昭代崇禪教祇林此導源雲趺十方集風唄六時喧鈴閣  
馴調鶻齋廚擾飯猿國師傳軼事戎史信堪援

### 霽後從玉立亭登攬諸勝卽贈悟沉上人

雨歇招提境重重積翠深瀑飛千澗雪雲走半山陰靜契  
追蓮社清談仿竹林長年此棲息差足滌煩襟

### 獅子古院

扶筇尋祖殿遙指巔顙開磴曲盤雲上林虛納雨來寒情

僧面栗古色佛身苦僻處無塵擾幽期茗一杯

漫興

十載歸耕約違心最可嗟家貧憐菜色世亂媿桃花陸海  
居非易名山業尙賒謀身無善策輪楫又天涯

姚江道中寄懷故園二三同志

細柳新蒲又一春征途渺渺閱艱辛及身豈料逢今日屈  
指何堪數故人才命竟無天可問生涯偏與世同淪橫流  
滄海棲無所孤負羊裘一釣輪

四明感賦

邊釁初階亂追懷此水隈鳩媒天降毒蜚市海揚埃士女



春情爛歌鐘暮氣催處堂如燕雀飲啄幾低徊

甬江旅次寄懷蘇

士本

浪萍蹤跡聚吟滕客授官齋六載曾荆楚坐談朝擁絮聞  
雞起舞夜吹鐙一編老去羞將仕五嶽歸來悔不僧此夕  
幽懷誰共語水天孤對月波澄

往歲從兄

塘

構千墨庵儲藏古籍歿後十霜僅存無

幾矣從姪

信三

移庾家廟後楹榜曰寶墨志在世守

也感成長句

飢不可粟寒難襦故紙拋棄如殘芻

余前以避亂移家書籍多散失歸談

家乘忽失喜墨林一脈春回枯寶殿居士

從兄昔嗜古雅自號

抱直欲儕倪迂梵門橋畔窺清閤一龕怪發光奪矚是時  
海宇正清宴士夫多暇工編纂擲盡青蚨化魚粉舉俗大  
笑詭癡符大謝西堂旋凋索小阮南道重追逋姑存十一  
甯足歎抱此殘缺猶堪儒吾宗豈無讀書種槐忙杏闌誇  
家駒繫余少亦攻帖括投老牛馬疲飢驅追懷失計恨靡  
極萬事進入飄輪徂東南自古盛文史到處兵燹悲淪蕪  
嬴秦餘焰此再劫一篝火起鳴妖狐蘭臺石室尙遭燬謂揚  
州金山御藏四庫全書御而況長物徒區區癡叔源倒望來裔鯁論奚  
敢流荒誣兀守青瑣倘倖免焚身略勝多財愚不見甬東  
天一閭書城鉅觀海內無鯨濤鰲浪攫不去此中尙有神

明扶今春游甯波得觀范氏度藏之富書城鉅觀海內一家係純皇御賜楹帖也往歲嘆夷陷城閣獨無恙

或者清河書畫舫貝姓郡名清河故借用之長留天地光門櫨作歌

至此百端集城角助我聲烏鳥

葉丈廷珩甄錄近人詩謬賞余作搜輯成編蓋其婦

翁陳雲伯先生提唱吟壇夙推祭酒才固綽有外家

風範也感謝呈詩

瑤清仙侶證同修冰玉雙輝藻采流梁苑賦才賓館散蕭

樓選政堦鄉留錦囊投廁憑誰拾鐵匣藏淵怕鬼警我坐

苦吟遭詬病何期宗匠機材收

歸家作

昔歸懽滿室今歸影淒淒寒帷宛言笑神定茫若迷百年  
誓比翼風吹倏中睽窮悴損年命百悔叢空閨往者誤兵  
警偕泛西溪西北及還家難毀室無完棲同根不相庇庭  
戶生蒺藜堂有七十姑穉女甫及笄我夙走塵轍內顧鮮  
愁悽行復出門去俯仰誰扶攜禦寒思故服終窶思良妻  
糟糠共作苦渺矣難重稽

盧忠肅公燬玉雙印歌錢文綺索賦

斗大黃金懸在肘炊時煊赫知誰某名賢私印手澤留烽  
燹摧殘猶不朽吳市有穀人莫知錢翁鉤索乃得之拓傳  
一紙誇示我云出勝朝盧督師中有血誠一腔熱天地自

與相扶持公夙心傾岳武穆身後還教嫗遺躅金陀故實  
運寸銅舉網湖濤出魚腹神物顯晦各有時我初見之淚  
盈掬有明末造兵氣揚太阿倒持何披猖公才自足了疆  
事扼以樞輔兼大璫樞議主款督主戰長安舌鋒誠莫當  
奪情四疏天不鑒墨縗從事徒徬徨追琢其章藉攄憤虹  
氣勃發丹篆光想當軍書手鈐押見者銜刺讒高張堂堂  
授命遭誣陷早因蓋激招奇殃終教磨涅顯堅白兩月歸  
斂輿尸香何似樞臣好頭頸三錢懸購羞封疆思陵覆轍  
足殷鑒摩挲此印增憂惶崑岡一炬鬼神泣鼎移璽改同  
淪亡劫灰彈指二百載英靈載與蟠穹蒼邊囂內訌代相

踵疇爲呼起扶頽綱我輩撫時感尤切眞贗何容騰異說  
銀盃鞋帶鎔無存珍此千秋企馨烈泥翁勸學工追慕佩  
之當作龍威符請編南廬紀聞錄補入西清古鑒圖

從姪

信三

屢黜禮部試歸隱桐橋家祠索詩賦贈

名僧退院宦歸田共此逍遙物外天末路最難尋  
荒境先疇卻好守松阡東京錄夢皆陳跡北郭聯吟幾散仙  
獨惜衰宗誰振起長安冷落看花鞭

蝗

火雲蒸出簸鍾飛莽將無靈漫禱祈千里農郊彌望赤三  
吳澤國此災希蟲沙劫化哀兵亂魚蟹萌生警吏肥轉冀

奇寒同厄運掃除冬蝟雪霏霏

捕鰐行

美蘇州薛刺史

煥

捕斬湖州游匪也同嚴大

承咸

作

驅鰐韓昌黎擒鰐陳文惠潮陽迭賴鉅公衛獨不見鰐據  
惡溪威以治鰐游吳市乃絜之云何市中有鰐爰自義旗  
高舉召此醜類來騰嬉尾掉狂風狂鬚揚毒霧毒蠱爾鰐  
今雄長裸蟲三百六血入於牙脆如肉掌皇坐者羣愕眙  
相戒獐响勿批觸傳哉河東新刺史下車巡視髮怒指潛  
謁大府傳兵符材技吏民密驅使中秋月黑鬼夜號恢恢

天網張神霄雷轟電掣一打盡海水翻沸星辰搖盞底游  
魂四通竄鼎鼎鯨鯢築京觀頻年淫毒逮婦嬰一旦腥臊  
洗間閭嗚呼吳中數澤蟲蛇家罔獨幸遇民之爹何爲顏  
尾猶興嗟酷如陂淵獺貪如蝕月蟊一一寸磔庶幾風物  
重清嘉

邀青閣夜

花霧暝初收風簾捲一鉤繁聲秋在樹涼影月當樓塵夢  
迷隍鹿烟情狎清鷗留人此延佇叢桂小山幽

銅雀臺和韻

漳水悠悠送夕曛西陵誰弔漢將軍永安宮裏傳遺詔天



下英雄祇使君

過簡園贈從姪

信三

倦旅天涯各繫匏  
家園重聚首頻搔  
半酣斫地羞長劍  
一第登天負彩毫  
鏡裏塵容欺故態  
淚邊春色競兒曹  
料量娛老無餘願  
痛飲醇醪快讀騷

旅感

癸丑年作偶檢故紙補錄之

顛顛江湖歎敝裘  
沉堪將母共依投  
全家浪擲成孤注  
此客虛懸本贅疣  
傭值無多金減價  
賣文爲活筆蒙羞  
屏除百感聊相慰  
骨肉他鄉聚一樓

與陸

廷英

夜話

野振驚風峽走湍聽君哀緒訴千端側身天地真無奈縱  
酒江湖強自寬夢斷妻孥雙料冷君妻吳子閨生別難海陽病添風雨  
一燈酸生還比似王摩詰百日佯瘖淚欲乾

自嘲

臨戎習慣枕戈安河上逍遙壁上觀雙劍重磨慚短褐一  
錢不值誤儒冠微功等輩爭投筆齋志平生付蓋棺拋卻  
少游鄉里樂幾曾嬰鏃據征鞍

過宛陵景梅亭口占

騎懷翰寫到魚蟲遮莫寒吟苦未工遺稿得邀歐九敘何  
妨沒齒坐詩窮

朱九妹楚北才女被擄金陵賊酋將汚之媚以毒酒  
謀洩遇害

鬚眉幾輩媿青史  
匍匐泥中欠一死  
雌虹墮地霹靂鳴  
乃有湖湘小女子  
鴆賊進持酒一觴  
憤拌弱質婉清揚  
歐刀不惜遭寸磔  
肉糜骨粉皆奇香  
吁嗟落溷花化作  
碎階玉  
荊州曼仙同一哭  
事見吳梅村  
綏寇紀略  
澄蘭沉芷賦招魂  
合諧神絃薦芳醪

贈天津劉星台

合盡時宜總未宜  
憐君躑躅路中歧  
枉教齋粥關憂樂  
直負蕤羹到亂離  
傀儡有場還可舞  
膏盲難藥況無醫  
等閒

老作塵中客袖手長安看弈碁

吳山酒肆贈揚州夏

問元

下吏苦窮東山樓時一臨醉中無廢事亂後愈工吟杯影  
吸江淥燈光搖嶺陰相逢互傾吐涼漏夜沈沈

遣悶

林禽啼徹語縣蠻欹枕無聊靜掩關去我堂堂閒歲月笑  
人寂寂好湖山屢詩那便聰明減斷酒偏教意氣刪等是  
傷春花事歇羈棲幽悵結如環

晚酌

蕭齋薄飲夕涼天幽緒如塵墮酒邊遲暮津梁雙轂散飢

離兒女一燈圓折除庸福耽高詠排遣情塗悟老禪真是  
婆娑生意盡手栽庭柳久吹棉

偕葉丈訪覺阿上人通濟庵

道暑懷蓮社秋來始放船露花明曉嶼風藻漾晴川談藪  
賁三笑吟材貯一編閉關如頌酒我亦愛逃禪

從姪信三

自以暮年鰥獨戚戚爲身後計備及含斂

諸物感觸余懷愀然有作

人生報施端孰由間真宰古稱不孝三伯道究何罪祀絕  
名永垂天心正嘉乃爾我強相慰負薪猶子在義當附從  
祖宗法訓宜採今制或兩桃爭府每因賄恐成非類歆轉

貽九原悔確落丈夫心豹皮務留彩初志勉一生垂暮希  
千載蹉跎及今茲萬事誤期待廟食既未能甯甘若敖餒

秋郊卽事

避地無貲辨艸廬隴耕村牧暫爲緣怪傳雷斧摧銀杏怕  
聽風潮損木棉廢寺生烟棲雁戶荒津添稅到漁船田園  
猶是清時樂潑眼秋光自闕妍

偶感

身事蒼涼緒百端嘲風弄月且謀歡熱腸未覺人情薄冷  
眼還看世態難軒鶴冠猴各矜寵金魚幘燕自偷安逢場  
莫怪儒爲戲倡丐同流況帶酸

過友人村居

野色入秋澄  
村居樂事增  
茶香焙午竈  
棉熟紡宵燈  
評帖留書估  
修琴訪衲僧  
打門防有吏  
敗興倘催徵

旅泊

遙渚下羣雁  
橫江霜滿天  
旅愁潮共長  
歸夢月難圓  
野爨依荒鏹  
鄉音敘隔船  
臥聞漁版響  
逸興五湖邊

贈盛鏞

避俗非充隱  
潛居氣鬱蟠  
千秋放眼闊  
萬事及身難  
世路詩書賤  
人情骨肉寒  
閑閑桑十畝  
俯仰抑何寬

和人詠馬

千里何曾試一騰坐糜棧豆日三升假威不少皮蒙虎附  
勢偏多尾集蠅埋到敝帷恩特厚市來朽骨價偏增如何  
廢吏方惆悵猶自懸圖冀野徵

宣城書感

登壇幸值敵鋒衰高臥穹廬擁節麾一騎紅塵頻奏凱四  
郊白骨幾交綏襄陽日醉山公將鄴下誰收晉鄙師知名  
樓船下吳會上游風利正東馳

感事二絕

錢神自古貴堪矜憤鼻相如借力曾問價不須西邸去市  
中都有辨銅丞



竭澤漁誰賴尾憐緝錢算到野塘邊苦無德壽宮旗號抽  
稅何由免糞船

自印渚埠放舟至桐江

百里潛陽路晴墟斂風霏犬銜山響吠鳧曳水痕飛津鼓  
晨漁集村燈晚市稀取程皆舊識情款故依依

謁桐君祠

勞人見山喜名跡沉桐君笙鶴杳難接鐘魚清可聞蘿捫  
三島月藥養一壺雲願注丹臺錄何時謝世氛

園雪

門逕雪厚封人跡斷來往何處野梅香踏凍負清賞飢鶴

窺池魚時聞啄冰響

元旦口號

辛盤香逗酒懷清  
客裏衣冠簡送迎  
最喜沿門春帖子  
紅箋一色寫昇平

祝取東風掃戰塵  
四郊菜色盡回春  
野臣此願何由遂  
首憶朝中第一人

新正四日買舟抵赤山埠游理安寺尋烟霞洞歸訪

虎跑泉諸勝同蘇

上本

孫思晨作

初春山放姿  
明湖動游躡  
冷賞獨避囂  
棹泛九溪曲  
清籟引入勝  
幾折穿巖腹  
倚橋架竹欄  
暈閣峙松谷  
叢灌森冬

榮厚蔭四周綠賜名寵閣黎南宋此祈福我朝盛時巡迎  
鑾綸重築空王墮寂場千載入遐囑伊余閱逝川垂髫舊  
情觸塵擾四十霜重來暫醫俗滿壑梅作花吹香媚幽獨  
奇勝不易窮足憇興猶鼓步辭伏虎巖言尋石屋古削黛  
拔千尋策路嫻如縷拾級梯層雲晴空一臺俯其後洞呀  
開撲人寒氣吐懸溜鳴淙淙幽竇滴腥乳進窺天構工秉  
炬采其阻頗怪佞佛徒圓相侈推斧輸與潯溪湄中興頌  
靈武疇爲一鏐平椽筆磨崖補留誓謝山靈堵笱下烟塢  
龍井閉榛蕪廢墟訪無跡路轉大慈山虎跑叩泉脈開宗  
湖靈境云是雙鳳闕珍怪比中泠汲自潛蛟宅僧雛進一

甌習習風生腋笑指萬年藤默悟三生石坡仙一觴詠歷  
倒幾詞伯潞佛遺國香梵家寶如壁明潞藩畫蘭石刻向  
間在吾蘇虎邱寺今  
亦見我儕無墨緣疥壁句誰摘坐淹苦暑短歸戀悵形役  
於此迴聽南屏鐘鱗鱗晚霞赤

巢居閣懷古

孤山一高隱遺跡有叢祠鶴去不重返梅開仍故姿辭榮  
終賜粟求晦轉傳詩莫歎時非古清操自可師

明潞王畫蘭石刻歌

茅壤失故封蘇石守殘衲一燈留鐫王者香墨帶滄桑洎  
同揭天狗磨牙食龍子福藩栢酒周藩水抱琴南竄穆廟

孫哀怨深情託蘭芷玉葉金枝幸未鋤春燈影裏空扶疎  
梅嶺忠魂抱遺憾植根一畝南都墟降旛夜樹錢江路北  
望關山去何處留得黍油麥秀叢中有前朝舊雨露君不  
見宗臣楚靈均猗與紉佩揚幽芬又不見王孫趙子固編  
成畫譜寄遐懷密葉離披花兩三貞珉摹刻重禪龕畫蘭  
無土留深恨更有遺民鄭所南

贈江少尉

湜

肯有枯蒼之役卽以誌別

著書最足寄懷寬無那青瑣不耐寒一樣途窮行脚債萬  
分才短折腰官欲迴天地聊清議痛惜山河且靜觀祇有  
身謀難自盡倚閭人正待加餐

錢江曉發

夜濤拍舵潮初長拂曉輕帆吹五兩遙山兩岸青嶙峋船  
窗搖曳齊菰蔣大好江程鏡裏行晁晴時聽畫眉聲卻嫌  
刁斗無憀賴偏向烟波勝處鳴

嚴陵

白水真人業高風孰並論雲臺今已矣祇有釣臺存

感題茭白船

何處琵琶水上鳴陣雲濃遏按歌聲浮家買笑同年殊營  
妓權教當愛卿

睦州

漸江中峻隘收盡勢縱橫衆水歸雙汊層巒絡一城風腥  
魚上市雲暖鳥呼耕爲底揚兵者方多艸木驚

蘭谿夜泊

擊棹中流志星程劇惘然江烟低掩月津火遠迎船戍卒  
呼羣飲勞人帶警眠縱談容我輩欹枕策平邊

金華

帆影隨飛鳥風吹落婺州驛燈延暝色城角動邊愁歌舫  
新姬水詩壇古沈樓漫攜雙蠟展名跡負探求

縉雲縣

小邑仙都麓春深萬翠交興行入巖嶂磴接落城坳樵市

喧晴渡郵炊具野庖慰勞閒覓句風籟助推敲

卻金館在桃花隘半嶺明溫州太守何公文淵遺跡  
也按公與況鍾同時膺薦出守其德政必有卓卓者  
區區卻金僅小廉耳好名者能爲之然而其風杳矣  
於是乎詩

卻金有館蒼山陞巨碑屹立堂西楣車驅過之捫薜讀云  
是良二千石之所遺當年解任經此處士民追送臚爭醵  
受之亦非四知金公也掉頭去不顧我思鬱林載一石會  
稽取一錢去官如此真能賢在歐治績未深考郡人當亦  
稱青天迄今行路企高躅我更因之慨世局席捲地皮橐



載歸過此能無撻市辱

枯蒼道中

晨發丹楓驛閒愁載一鞭  
巢雲攢小店梯壁疊高田  
自古稱戎藪方今仗閫權  
依然形勝在閩越辨蒼烟

萬象山謁秦少游祠登烟雨樓

春陰臺榭冷於秋  
濺淚鶯花泥客留  
猶是鴛湖好煙水莫  
追淮海舊風流  
簾波涵影排千嶂  
鐘唄吹香聚一樓  
俯睇滿城驚鶴唳  
樵歌漁唱獨無愁

南明山

夜談枯山奇晨起勇探勝  
喚渡洞浦湄循椒升絕磴  
杉檜

森晝陰風吹塵夢醒梯墮躡樵跡屢滑級苔瑩層厓接瀑  
流三湫蓄無罄度約阻危梁僧扉上旁徑倒瞰勢蜿蜒臥  
波一虹亘更上巖崩欲縫裂隙如甌茵閣竦其巔憑攬嵐  
靄暝選石憩吟筇敲雲戛梵磬烟鬟競流媚山靈若持贈  
我歷幾名區戎務敗幽興眷此一响緣哦詩呈佛聽

麗水留別華生

文瀾

環郡林巒攬寇氛臨歧執手話辛勤頻年浪跡欣重聚幾  
日清游惜易分礪戶蕈香收暝雨畚田薯熟擔晴雲此鄉  
信美難留戀連我迴車叱夕曛

出巖泉門作

狼烽紅漲亂雲堆三宿刀環夢遽催莫笑佐戎虛幕職此行原爲看山來

歸經桃花隘

山勢兀崢嶸雨陣莽飛渡陽精掩無光匝地騰妖霧聞戒我啟途悽情滿烟樹豈必爲民望瀕行屢迴顧鄰火燭及家杯水方救護況復焦爛中趨行必矩步褒傑苦拘攣笮材巧生蠹疆事日以曠坐盡恬熙誤嗟此天設險中吭扼甌婺撫循久無術征繕曷由豫萬夫關莫開亦藉一夫禦衆志不成城劍閣空自固

永康道中寄懷覺阿上人

連宵旅枕夢烟蘿  
泛跡其如斷梗何  
管領梅花閉關坐  
出家人反在家多

題贈昌化方登俊村居

園棲謝塵役日涉趣何長  
陰榻驅今古耕犁課雨陽  
宵機鳴軋軋鄰塾誦琅琅  
樂土能餘幾連邨社酒香

西泠旅館消暑

梓葉陰濃屋四陲  
冷然清吹動翠幃  
棋邊暝色簾雙押  
觴處涼情月半規  
獵食癡蠅知冷暖  
戀巢飢燕問興衰  
北窗一枕羲皇夢  
未許趨塵寵襪窺

有憶

牛行庵詩存卷七  
爲誰風露立庭陰  
牛女迢迢隔歲心  
緘恨惟催書密寄  
墜歡怎禁夢重尋  
佯移燈去瞋宵韻  
笑折花來索曉吟  
此夕拋離香霧杳  
撩人腸斷是鄰砧

重過蘭谿

拂曉菰蒲露未晞  
卸帆澱水景全非  
市樓闌寂收帘去  
歌舫飄零失岸依  
警夜石壕殘吏擾  
防秋玉塞闕兵稀  
祇餘一掬征夫淚  
洒入城烟幾縷飛

自龍游抵靈山作

避兵如避寇  
間道戒行裝  
百里新焦土  
三農舊滌場  
隴耕重播穀  
溪渡始通航  
爲值扶創叟  
欷歔話夕陽

赤津嶺

日落無人境，停鞭借一椽。  
灘明流月碎，峰黑裹松圓。  
懷絕猿聲裏，涼生虎氣邊。  
殘黎家蕩盡，何處哭蒼烟。

初至遂昌宿靜修寺

策蹇投荒寺，蕭蕭古堞邊。  
風淒猶警鶴，山冷自啼鵲。  
殘泣空邨月，農鋤破壘煙。  
千生歸一劫，鉛淚瀉金仙。

示程生

洪

漢代稱循吏，常垂弭亂勳。  
今須善爲宰，古自薄能軍。  
野爨寒棲雨，山烽煖蒸雲。  
撫綏無異術，銷甲事春耘。

殘解

殘解如枯剝誅茅一楊橫窺人飢鼠立疑鬼病鴟鳴野曠  
招徠急庭蕪積訟清此時持事至每爲泪沾纓

雜謠

燭天烽起亂山址生劫丁男半兵死初聞碎膽莫敢前息  
燧三朝遽來此焚林啞啞號歸鴉彌望井里無完家騎卒  
成羣拾餘燼寇退始聽軍鼓搥

炎腥墟落暑不收怕有時疫行新秋蛟雨連晨發山漲盡  
洗戰血歸溪流幾家殘齒逕蒿掩尸蟲出牆無人斂夜深  
黑樾窺野狸一星寒吐青燐燄

椎牛醺酒歌烏鳥轅門大饗三日脯拾橡空巖艱一飽創

殘野草拋烟蕪存者偷生亦良苦  
愕見官軍匿無所沈沈輜重凱  
唱歸夜捉擔夫到村臨

蚱蜢橫撲禾稈枯溝瘠留喘誰來  
蘇縣官目擊議開振諸使方下秋  
徵符道逢老翁吞聲哭幸存一孫  
插標鬻無限嬌啼訣別情換得餘  
生幾朝粥

一絲人氣迴荒城臥聽三月無雞  
鳴朝看衰稚集茅舍中有生還歡  
笑聲悲動鄰孀獨閨處牀頭呱泣  
天難曙連宵惡夢苦猜疑紙旛忍  
便招魂去

粵事紀聞

舉世千金善保軀阿奴下策獨成  
愚捉將官去羞千古戴



得頭來憤一夫羣鬼陰謀原鵠突相公大事太胡塗臨邊  
旌纛悠揚色媿此蒼頭特起孤

景先生詩

先生名采臣餘姚人官遂昌教諭咸豐八年三月  
二十日寇將至同官有邀與偕去者先生曰汝無  
誤我問其室人皆曰誓相從不忍捨也翌日寇至  
將毀聖廟先生挺身怒叱頸傷未殊猶罵聲不  
絕賊忿將頭砍落妻趙氏女守姑有子甫生十四  
朝均隨殉焉越三月程生洪攝宰是邑詳請祠祀  
如制

瓜蔓抄殘辦血誠裔孫重見一家傾心堅早矢尸臣志頭  
斷還聞罵賊聲萬古升堂纓共結一時徇路鐸孤鳴明瑞  
翠羽兼文襖併入神絃鼓曲迎

旅感

霜鴻度天末客子滯山城地僻艱醫藥兵荒儉食羹詩珍  
良友贈衣檢故妻情觸緒紛如許風林葉亂鳴

野望

橘柚林烟抱郭浮仙霞支麓古松州猩嘯鬼嘯千峰暝井  
斷垣頽一邑秋閫帥不逢窮塞主縣官誰拜富民侯劇憐  
連夜蕭蕭雨祇洗山光不洗愁

吳山寓樓寫望

朔吹無端警睡鴉  
曉樓清景豁簷牙  
湖陰凍解雪雙塔  
城旭晴烘雪萬家  
溫體人思頌竹葉  
冰心天自鍊梅花  
祇憐兵氣銷難盡  
銀海光中咽塞笳

題管

蘭滋

何山展墓圖

吳俗盛墳祭春遊  
差有名全家攜酒榼  
畫舫出江城蓬艤  
君雙淚萍蹤我半生  
何時守邱隴麥飯作清明

題管

蘭滋

止泊齋詩鈔

范東生後誇茗產  
重見金閨寄一家  
帶得吳興清遠趣  
一生詩思屬蘋花

一回闊別一成集每到重逢每互商  
亂世歌詞能曠淡杜陵畢竟讓柴桑

半行庵詩存稟卷八

劫餘小艸

吳縣貝青喬子木

蘇城之變予方佐戎宛陵聞警馳歸徧地賊氛實不知家在何所也訪尋三日始遇於太湖長沙山中事出非望誌幸成詩

一室病莫興藁臥方滿地門外刀戟叢游子尋蹤至萬家  
慘離散飄聚偶然遂互述兵劫苦旁聽亦垂淚扶挈共親  
串一舸此奔避衣裝剽掠餘血漬猶在袂枕藉煬突旁皮  
肉困宵蚋不早竊負逃兒罪將焉諉見兒幸生還阿母勸  
解慰因思在遠愁千里充賊騎長驅入武林勢疾若鷹鷂

既退皆荒墟虺螭恣吞噬阿母指空齧道梗阻歸侍及此  
一抑搔在險亦神庇南濠吾祖居迴望徒隕涕前臘家祭  
畢別母御征轡瀕行頗不祥含悽出里第孰知從此辭永  
作戰場棄追懷舊吳俗軍興益奢麗上游踞饑虎耽耽日  
相伺大帥擁甲眼勝算柙深閉環寇十萬師坐待長圍斃  
球焚用脂膏反風吹愈熾竄卒紛倒戈叛臣旋易幟所恃  
一將星陡向朱方墜狂鋒猛拉朽何無一屏蔽毘陵扼要  
衝累年矜繕備捧頭率先逃誰實隳疆事顧念田賦區京  
漕資給糒竊恐國本虛妖祲纏幽冀貪狼森吐芒威弧須  
正位熒惑入斗躔天闕示星異野臣昧象緯杞憂倍竦企

卻聞草澤中白帕爭起誓養士二百年蚩蚩獨明義我抱  
將母懷且抑同仇志明當重播遷虜地殊危惴是夜爝燼  
川紅雲半湖曠

移家洞庭東山白沙村感賦

狂飈東逼海塵揚牛角山河暮氣涼毀室鴟隨零雨集飛  
軒鶴帶遠雲翔采芝何處深堪隱負米遑愁險備嘗獨怪  
南州灰劫裏吳宮花草尙餘香

贈鷺湖漁隱徐委琴

塵腥匝地陸沈苦四顧何來乾淨土泛宅烟波作釣徒身  
世蒼茫付柔艣起聽沸湍獺毆響頰尾何堪再張網君自

臨淵不羨魚忘機馴習鷗三兩獨我連流無地投相逢且  
醉酒家樓須知一葉滄洲趣猶是王尼車上愁

湯果卿司馬

成烈

連日設飲卽席感賦

何物愁城可解圍祇除痛飲願俱違沈酣旅館消殘暑悵  
望家林賸落暉狂役莫教荒谷縊潰師高克大河歸十年  
兵事談盈紙贏得樽前淚共揮

千秋關贈程七

鍾英

飢驅無奈險重臨欽佩非關厚贈金訝我輕離慈母膝對  
君深媿古人心風清間道留灰劫日落雄關鎖凍陰明發  
恩恩整歸騎倚閭應已淚盈襟



宣州道中

百種悽情落一鞭忍寒驅走戰塵邊艱難旅食哺方粥瑟  
縮征衣臘未棉孤騎怯途嘶日瘦萬鴉盤陣捲雲圓連宵  
投宿虛無主喜見前村有爨煙

庚申除夜

震屋濤聲耿不眠全家浮寄具區偏田園夢斷兵塵裏梅  
柳春生客淚邊艱阻關山雙屢破凋殘骨肉一燈圓粗營  
脯酒持相壽恰喜衰慈病乍痊

天風

天風獵獵吹塵襟無計入山深復深轉販營生謝皋羽輪

賞得爵倪雲林同流畢竟異涇渭矯立自然空古今海鶴  
一聲引遐矚羈棲澤畔聊行吟

浮白歌贈錢

樹恩

荆卿市上歌灌夫座中罵眼底酒徒君某輩晦跡村夫子  
託命麴秀才細酌廿九日狂傾三百盃天荆地棘苦羈跼  
不飲何由逃世桔學仙學佛隨有無中聖中賢辨清濁何  
如左右縱拍浮澠淮爛漫臣乾谷間君殷憂祇在野終朝  
兀兀奚爲者大人先生游醉鄉用小兒攔笑供千場自言  
犀首正無事一任羣輩呼渴羌不然衆人皆醉我獨醒懷  
沙萬古悲沈湘

杭城遇蘇

士本

旅食雙弓米征塵百結衣重逢多難後互認故顏非野曠  
豺爭噬天寒鶴倦飛今宵共清酌簷月亦依依

湖上口號

白公隄畔一筇孤料峭東風拂綠蕪兒女青紅零落盡春  
禽依舊喚提壺

參差臺榭鎖荒烟舊夢微茫步履邊最是孤山春寂寂梅  
花多半殉逋仙

先朝行殿麗春霞玉簡珍藏護碧紗牆缺忽驚蒼鼠竄雕  
簷吹落古藤花

三才月言不與  
緇林彌望草芊眠幾輩紅兒散若烟記取年時香市盛殘  
陽無語泣金仙

脂粉殘金盡繫思小桃花下立多時風前忘卻家山破獨  
對明湖成鬢絲

用韻再贈蘇

士本

肝膽雙塵劍乾坤一布衣艱虞真性出堯薄古心非黠鼠  
飢逾竄蒼鷹飽自飛栖栖吾道在莫歎失因依

同人分擬杜諸將詩一首

橫海雄屯背水營羣傾驅鱗舊威聲行看白馬招降易坐  
待紅羊過劫平耀敵金戈紛欲眩盟蠻銅鼓靜無驚順昌

自有中興將任爾韓尖浪趨城

西泠秋日從孫

晉思

招飲寓齋同從姪

信三作

礮雲飛燄捲金閨吹散吾宗各一鄉何幸投餐逢杜濟轉  
思收骨屬韓湘談深家國惟揮淚愁滿乾坤漫舉觴終望  
桑榆收晚景青春作伴放歸航

圍城雜詠

傳烽入境謀猶遙迎擊無人截路邀坐使咸陽三月火漲  
天紅燄一城搖

雄師留待策奇勳犄角分屯鳳嶺雲未及交綏先卻走山  
公愛將不能軍

膚至黃巾氣日雄  
蚰蜒築塹互江東  
十門堅閉徐籌議  
幸只遙圍不近攻

主纛高擎佇獻俘  
漫驅部卒出闌闌  
三軍耳目無旗鼓  
使鶴猶譏況合烏

莫是瑯琊取稻還  
菜傭成隊唱刀鐃  
連日出隊惟刈菜而返  
置身兒

戲千戈際哀煞江南庾子山

蚍蜉外援合如林  
晉鄙原無掾趙心  
不死神椎死神礮  
前軍漫惜將星沈

坡心坐鎮仗人和  
慘澹旌麾自雅歌  
共說中丞誠一片  
扶乩擲筴吉詞多

坐驚行齎竭市捐危居虜腹更騷然苦無德壽宮旗號抽  
稅何由免糞船

毀家紓難幾人曾欲破慳囊總未能窖鏹穴金收匿去市  
中間煞辨銅丞

萬金懸賞檄頻催應募誰將甬道開咫尺錢江難轉運空  
期鄰糴汎舟來

靜日風吹萬竈清守陴鈴櫜漸無聲爲搜窖粟充軍食胠  
篋探囊開一城

白金六兩米三升市價空懸糴未能祇有故家林蔭富榆  
根桑土剝層層

異樣屠門饜老饕帝犯人彘等腥臊可憐嘗盡溝中瘠醉  
漢何來味似糟

痛殺城居室是將須知避亂只宜鄉縱教黍地無人種鹿  
藿臯芷尙可糧

壓城兵氣抹斜曛虛堞淒清入夜分漫說神燈來暗衛鬼  
磷幾簇走冤雲

吸雪餐風兩月淹幾家留喘望重慙傷心飢死還兵死誰  
把生靈竟聚殲

馬脯謠

華元勉析骸耿恭困煮弩振起羸師担踵虜古人已事復



見今馬作軍糧球飢苦一馬給一營百馬徧一城兼味併  
及走狗烹羣呼火伴恣大嚼轅門暫停枋叫聲褐夫旁睨  
思染指禁鬻那許分杯羹君不聞殺妾饗軍滅氏子睢陽  
張督尤得士愛妾換馬今空羣軍士何知一效死

糠粥謠

昔防棘喉今蜜漿免呼荷荷爭喫糠初搏作餅尚可飽旋  
且薄歎充糜湯豪門膩斧腥礎地曾共紅麴餉雞彘今朝  
購歸餽一家差幸肥腸霜米氣窶室絕粒尤難爲珍及穀  
膜乘夜炊隔牆望見突煙起眼熱猶有鄰兒窺

憊甚

量沙添竈法全刪憊甚重圍坐食間民氣已隨炊玉絕天

心況復雨金慳醉人稱瑞酒泉郡

是日無雨惟酒尚有清塵

餒鬼求飲

飯顙山幻想養生傳異術普分仙藥起沈痾

餓殍行

酣呶閭政神扶持烽警薄郭仍臥治坐令狂寇斷糧道公  
私求食皆餒而萬方羅掘窮週道飛走潛蟄無倖逃苦恨  
冬植未萌甲枯萎癘葉難登庖富兒祿盡死閨幄貧兒凍  
仆死坊曲藁葬不及廷諭棺葦席蒲囊罄家蓄慘悽鬼氣  
街百條餓鴟下伺風蕭蕭登陴起望敵糧峙飽嬉餘粒隨  
營拋

飢臥至哺傭姬乞鄰得二物相餉噉畢成詩

辟穀無方一室嗟  
可分艸具出鄰家  
蕉根爛煮多筋藕  
萍子濃熬散粒麻  
食比采薇風自古  
報宜懷肉願猶賒  
傷心菽水連朝絕  
視噉何由勸少加

十一月二十七日夜起書憤

銅山當殉財首陽自守志  
餓死亦有名今我抱何義  
杭州鮮廩傭就食殊非計  
疆臣負夙望聊受一廬庇  
何期禦寇略惟知城一閉  
仰屋呼有天乘堙出無地  
悽寒萬瓦霜炊斷縷煙  
翳夜半起沈思痛絕併  
無涕將牢不出戰蘭蛾坐  
自斃幸賊不來攻貪天且  
竊冀無如豢狗肥骨盡遭  
反噬

負國與殃民同一誤疆事苟非張許流無寧城早棄已矣  
復何言殘喘遑作氣區區殺賊心厲鬼吾其誓

新市遇從孫

文龍

留飯

黃塵蔽天地征路晝昏昏驚定家何在創餘骨僅存卑微  
艱得死患難易爲恩此際高堂上憑誰進一餐

辛酉除夜

殘燼憤然元相煎慘境何期度此年爲覓破巢烏重哺先  
井入穴虎同眠佯瘖聊學王摩詰遠蹈甯忘魯仲連折盡  
苦兒心一寸儘人唾罵敢求憐

過杭城舊寓

被驅忍便殉萊衣艸際留暉尙竊希陟岵久教心膽碎望  
衡返若夢魂飛係纍往跡思逾痛負罪餘生死亦非慘絕  
鄰居皆蕩盡更無翁媪問依稀

寸心

一自謠興的脰烏寸心小艸困難蘇冰霜有路塵蹤滿天  
地無情淚眼枯陳寵甯知王氏臘彊華惟奉漢家符江湖  
可俟澄清日奈此銜冤一窶孤

贈潘

性初

險巇世路慣輕投蕩盡家鄉跡愈浮萬死亡魂驚曾面一  
生落魄話從頭舊交多半遮方鞠新恨頻番撫蒯緱等是

吹簫吳市客家讐輸與古人酬

寄酬劉

禧延

枉贈之作

里閭交情四十春忽承念舊遠垂詢及身豈料逢今日寄  
語何由慰故人病起憤懷徒看劍劫餘歡夢亦霑巾茫茫  
後顧家何在還約昇平近結鄰

嘉興道中

託益餘生破壘邊積骸成莽陣雲連閱躬有是諸艱備慘  
目無如此地偏四野孤嫠呻冷月一城殘鬼哭荒烟前游  
記值春燈節聒耳笙歌攪夜眠

重入杭城作

漫憑輓策重追尋疑信相參倍不禁  
蒙霧積流千里毒望雲慘結一城陰  
孤行道路無難易迷罔晨昏異昔今  
可奈孽深終莫道海枯石爛總沈沈

### 紀夢

瞥若姍姍逝影流驚回殘夢誤凝眸  
乍懽似慰生離苦背泣應知死誓酬  
破鏡曾教如後約遺釵何忍便冥求  
終期留侍衰親側替我扶持強解愁

### 桐橋謁宗祠寄懷從兄

仲圻

楹書盡灰燼墓木又樵蘇差幸荒祠在  
愈悲先澤蕪三年他族處一拜裔孫孤  
亂定須家督重將衰祚扶

溷跡金閭詩以當哭

三興土薄易崩竊轉劫重逢五百年亡將旌旗留有墨大  
藩財賦蕩如烟燹場暗魄埋金粉羶帳藏嬌醉管絃知否  
駒場張九四西風黃葉最堪憐

漫說東南第一州館娃餘豔雲齊收早知綺市終歸劫猶  
記歡場最諱愁燈簇歌雲春萬舫花籠酒霧夜千樓何堪  
垂白還鄉客重攜梧宮一片秋

棄地三年積莽深過墟感盡去來今在推戰瓦蜚聲亂燼  
落雕梁燕影沈揮杆譁燕城上土斷棺爭換墓中金誰憐  
凝碧池頭路自觀豬龍飲恨吟



追懷失計枉綢繆萬事倉皇醉裏休  
蝗陣蔽空風助響犬妖哭市雨添愁  
艸間殘子黃初歷海上連曹白版侯  
盼切王師來搗穴樓船纔向石城收

匣劍埋光輒自鳴戴天有誓倍難平  
寒空雁過書誰寄殘夜烏啼夢亦驚  
設醴尙防筍楚市緇經況值墮秦阬  
枕干待洩孤兒憤願挈壺簞擁道迎

寄和徐

晉銘

申江感事之作

斗城危峙大江南雲集華夷結彩曇  
閭內軍情如處女行間役事盡肥男  
層樓幻市狂嘷屋幾葉殘疆恣食蠶  
聞說旌旗新變色臨淮妙略待遐覃

得葉丈廷琯申江書感賦

偃疴聖室苦沈緜卻枉傳緘自海邊  
遽慙久知天不弔原情何幸友還憐  
反兵力弱終思鬪枕塊神虛每廢眠  
視息尙求人齒數廬中窮士敢流連

過橫涇哭故友詹文照

魚腹中埋一寸丹臨流追溯涕汎瀾  
殉親大節輝黃壤罵賊餘聲繞碧湍  
生有至情君克盡死無留憾我偏難  
細聽湖上風中樹何止山陽遂韻酸

讀金蘭生壙詩感贈長句

生不逢辰遑恤死漂寓天涯盡餘齒  
刀塗血路幸脫歸得

正首邱斯足矣羨君墮地未出山世上理亂甯相關敢影  
衡門足住趣返眞旦宅如等閒藐茲邱貉同一雲料理幽  
局掩松窆千古爭名李賀囊百年託命劉伶鋪我懷憤血  
澀無地宗祝不靈死非易縱拌甘寢視長眠終苦尸居忍  
餘氣蚩尤塞天天亦愁十年疆事泣楚囚曝齒饑殍戰場  
曲摸金發及攢宮幽閔盡瘡痍慘心目末路相逢異歌哭  
劉驥空尋漁父源司圖早隱王官谷哦詩留作珉石攻闔  
棺定論將毋同昌黎諛墓風何盛祇解金多媚死公

送從姪

信三

之武陵

棲息榛蕪總不安一帆渺渺出江干無家可別身還異有

地能遊路尙寬歸鶴早時城郭改姪向營歸鶴亭於桐橋宗祠冥鴻此  
去海天寒間津我獨多迷誤寄語桃花淚欲乾

卽日書憤

鐵篙子逐逝波荒艸竊重看聚蠃稠白鐵銅酣紅殊首清  
宵歌罷錦纏頭溺膠漂櫓新荒渚墜鳥遺鉏舊綺樓回首  
可憐佳麗地蘇臺士女素無愁

流寓鰲湖遇石

渠

述事敘哀盡焉有作時將赴申江

卽以誌別

入旬壽母六旬兒

用君定思近稿中句

一樣家祥幸得之詎料嶠南

開蕩劫頓教堂北負恩私殯宮草草君猶憾親舍茫茫我

更悲此去江東韓十四同歸難與杜陵期

申江之行遶道海虞適逢獻城納款兵賊交訐舟子

驚懼而返追恨成詩

無奈羈孤力不任於菟窟裏漫哀吟避鉤差免登枯肆驚  
燬猶難出故林浙水虛懸江革淚海雲應識管甯心何當  
雪夜揮降將掃出淮西路肅森

示長女楚姑

昨事重提夢亦驚離鸞一曲最淒清沙盆潭水今無恙鳴

咽還留舊恨聲

蘇城陷時見夫婿陳子庚  
被擄憤投城濠遇拯得甦

甯親一棹越江隈誤汝身經兩劫灰刀劍叢叢三百里漫

天風雪負兒迴

前歲就余杭城又罹一劫女素體嬌弱乃能視見於背先予乞食回蘇

擁篲重話舊閨門最感含飴撫弄恩珍重故衣同一泣尙

留王母手縫痕

予前冬遭掠幾至裸體僅一破絮襖尙爲故物

回看門蔭痛全非危墜宗祏繫髮微令節頻煩營一祭淚

痕常爲外家揮

仲弟塏季弟壇難後皆困頓以歿嗣子元信淪陷賊中無計援出

慰情今果勝生男膝下經年共苦甘阿妹孤魂誰倚託秋

墳應唱望江南

次女寒姑歸王氏遣嫁未及半載避賊北渡旅歿通州

餓齒餘生毀齒初飯糲屢空最憐渠昨宵燈下牽孃袂笑

問春盤可買魚

外孫端本年甫四歲厯遭蘇杭兩難皆賴母提挈以免

壬戌除夕

暗風吹雨入寒窗

用

熒子燈前對影雙積慘終身劉越石

強吟卒歲賈長江三年閱練塵千劫萬古銷沈血一腔最  
是驚心逢此夕況聞鄰讌祝眉龐

### 渡澱山湖

片帆何日重吹還浪自投符叩海關偃蹇身謀成弩末悲  
涼心事託刀鐔祇知終老宜唐土

用

曾誤牽攀歷宋寰回

首姑蘇雲一抹忍將異域視家山

初抵申江晤葉丈

廷珩

賦贈

顛簸萍蹤逐浪輕海風吹聚積懷傾別來消息皆傳死見  
後容顏似隔生番市魚龍多幻態殘郊鶯燕尙歡聲遺流

棲泊渾無奈倖得知交共款迎

馮芳輯  
索賦十五芭蕉館詩

綠天深處絕塵氛  
夏雨敲風四座聞  
迴數陶家門外柳  
清陰未免弱三分

醺醺書味饜青燈  
逸興還從雪裏增  
摹取輞川清絕景  
故

應歛枉筇庵僧  
圖為故友程序伯所寫

承將甘露渴毫邊  
拾取吟材貯一編  
為問薪傳何處得  
梅

花五百擁金僊

君曾問詩於覺阿上人

桂嶺衡文衆所師  
好承乾蔭柄重持  
魏園早備輞軒采  
一

葉分書一國詩



葉丈以錄藏劉汲晉遊草見示讀竟感題

太行山翠一囊收  
擁鼻披臉最惹愁  
志士卽今多失路  
才人自古倦登樓  
游蹤歷歷鴻泥在  
墜緒茫茫蠹粉搜  
我亦枯毫揮萬里  
感深篋衍燼餘留

亂後舊著蕩然幸文錄有存本

葉丈招飲浦樓有觸於懷歸成一律

朋情不共劫灰寒  
破涕重追會合懽  
紙醉金迷臨綺構  
劍炊矛淅御珍餐  
長城空築騷壇固  
樂土惟餘酒國寬  
祇爲故鄉忘未得  
滿前瓊麗劇悽酸

就館保陽將由海道北上留別滬濱諸友

轍環萬里半中土  
戰塵逼處棲無所  
忽乘番舶狎魚龍  
海

外游蹤垂老補纔離溝壑登衽席又作諸侯老賓客此行  
共道望如仙誰識中腸痛難白燕雲吳樹阻且長春暉逝  
影天蒼涼戈揮繩繫莫由駐空遣西崕絢夕陽

同人疊韻贈行倚裝待發復和一章

環顧南疆少樂土遠遊畿輔良得所官程促發仍牽留索  
盡同儕詩債補幾度江樓重祖席相看等是無家客凱歌  
聲裏共旋歸惜別休言半斑白籌帷容我建寸長腔血猶  
在吹未涼獨怪天心久相棄齒加長矣逢孫陽

半行庵詩存彙題詞

別子出鄉關五稔疾如電聞子作壯遊萬里腳無線子今  
西川還我行殊未倦迢迢測江邊忽與故人面鬢毛驚漸  
衰骨力羨逾健平生肝膽交衆中子特見有道是我師豈  
獨情繾綣

君詩出懷衷氣貫十丈虹幽思徑路絕變態風雲通山川

恣遊歷都入奚囊中書生無長物瑟縮寒秋蟲如何下新

灘怒觸冰夷宮

子木過新崩灘觸石  
船破行李漂沒殆盡

詩人賸有詩窮之鳥

能窮休歌蜀道難姓字鐫蠶叢

見君又送君愁攀江上柳感君意千疊贈我詩一首肫肫

義薄天耿耿芒干斗君才尙飄零如我將誰咎我痛作鮮  
民君喜有老母不敢阻君行且當飲君酒旗亭落日斜延  
佇重攜手

貝子木歸自蜀遇於皖江道中有詩枉贈率答三章卽  
題其客中吟稿并送旋里長洲宋來鳳

別君三載無消息白下相逢喜動色新詩積卷出袖底猶  
帶蠻煙瘴雨溼平生愛製遠游冠長劍恨未誅樓蘭黔山  
巫峽銳芒刃愁心何以供雕刻窮荒奇秀未一洩自昔少  
人而多石君詩乃盡發祕奧鑿險奚殊五丁力茲才定爲  
造物忌入坎出坎厯危地得從蛟鱷奪餘生筆下波瀾愈

恣肆

君會覆舟新灘盡失其棄

何況憂時老杜陵滿腔熱血灑層冰就

中別搵懷知淚我亦風塵感遇人

謂林文忠師

巴猿送客聲淒

戀東下湘流急於箭黃陵廟前晝雨昏料爾羈魂已先倦  
歸來萬里廿日留看山復放巖灘舟腳跟蓬轉何時休石  
頭城下帆初收逢君別君在逆旅酒酣肝膈悉傾吐秋風  
蕭瑟江水寒青田鶴又橫江去還君此卷意鬱紆無形榛  
莽塞道途亟謀息壤計豈迂盍作識字耕田夫

秣稜旅次喜晤

无咎仁兄見示半行庵稿讀竟撫然意多感觸題贈是

詩卽希印正

咸豐二年壬子秋八月嘉定夢盦弟程庭鷺呈稿

昔游溯秦淮交臂未君識辱偕管城子

謂管君蘭滋

見訪臯橋

側惜我爲詩人贈言眷何極遲回成報章聊復寫曾臆行  
吟來郭西君又去鄉國黔雲楚樹間勞我長相憶

亡兒授經地江令家后壇我來一榻下悲悼時決瀾君屋  
近咫尺走訪良不難衰慵百事廢舉足如有闌何期略形  
迹復此申舊歡示我詩一帙解我眉雙攢

造物亦愛才攫詩入江旋殘編此僅存追寫有餘戀境險  
詩益奇山川關生面卷中咄咄吟憤激淚如霰邇來村舍

農揭竿競思變嗟哉民生艱豈獨一鄞縣

謂卷中哀甬東之作

旬餘讀未饜掩卷旋復開君亦不我鄙  
譖雨能頻來主人蕭齋冷觴客傾舊醅  
縱談及時事眼底皆鴛鴦楚氛勢日逼  
何者匡時才吾曹書生耳且覆殘年杯

被酒過君家相攜入蘿徑小園數椽屋  
黃梅妙香孕區區將母懷我亦感塵甑  
遠游豈得已虛此林泉勝坐久生暮寒  
栖煙鳥喧定踏冥歸寓齋釭花動吟興

壬子歲暮小詩奉贈

无咎仁兄卽題大著半行庵詩卷後吳江  
伯弟徐晉銘

晨夕相見人別已七年久萍跡各一方  
暫歸忽聚首晤對

亦偶然恩恩易分手快讀數卷詩進境得未有天遣君成名得力在奔走飢驅作傳人浪游良不負而我愧無成轉瞬挂帆又

壬子歲暮暫歸故里喜晤

于木并讀大集不能無詩率題呈政同邑于上弟張源

達稿

萬里行歸閱歷新依然書劍老風塵千金結客誰知己一

藝成名亦可人劫後湖山餘別感

去春杭城失陷近又戒嚴

醉中歌哭

遣愁身如何著述多零落文字由來迺物曠

君詩稿迭經散失

入參戎幕際多艱肝膽輪困鬢已斑鼓角哀聲連戰壘弓



刀遠夢繞嚴關寄家幸及高堂健經亂都無故土還祇藉  
阿咸重問訊幾時相見破愁顏

潤蓁秋杪之杭城與從叔子木數相聚今來備述近況  
感成二律寄懷卽書半行庵稿後同邑弟劉禧延

迢遞天涯返一棺三年手札怕重看思親空羨徐元直避

賊終爲管幼安

初因訪母潤跡賊中旋即  
到滬由海道北上就幕

身去祇餘詩卷

富魂歸仍趁海濤寒生還此日聞君到定復聯吟補墜權

北行時有詩留別滬濱  
諸友同人皆疊韻贈行

聞貝大子木旅櫬南歸偶檢閱其壬戌癸亥兩年吳門  
津門寄書賦此追悼卽書其劫餘小草後乙丑三月同

邑十如老人葉廷琯

中年抑塞能增氣

杜詩艱危氣益增

末路飄零更助才駿骨真看

酬奪價蛾眉豈料負良媒

癸亥春中丞李公薦君於直隸制府劉公幕同章奏在途病卒

制府命屬吏妥爲殯殮越歲又厚賻俾歸櫬實未識面也

身甘母殉生原贅名待詩傳

志已灰琢玉坊前一編出交情祇此報泉臺

尚有咄咄吟二卷因貲竭

未同刻

偕同人校刊半行庵遺詩旣成慨念子木生平附書一

詩卷尾葉廷琯再識

文能草檄武刀槩無命皇天底賦才飽食太倉騰鼠子飢

驅岐路泣龍媒祖鞭乍著已塵夢

謂君應聘北行旅歿事

韓集誰編

幾劫灰尚有定文同志在招魂直欲上西臺

子木遺集刻事將竣調生丈有詩題後卽次原韻同邑  
甘溪雷浚

劫餘詩境苦一讀一沾襟徐庶爲親屈謝公憐女深生存  
少歡趣老至賸悲吟不到艱難處誰能諒爾心

子木仁兄出示劫餘小草讀之淚下率題律句時壬戌  
冬同棲鶯湖同邑梅孫弟石渠稿

此才豈合老儒冠旅食天涯到蓋棺好句都從愁裏得奇  
山慣向客中看一編厄運何妨再千古詩名定不刊善本

畱眞徧傳播交情最是石林難

子木遇難重失其稿  
茲取調丈錄本付刻

半行庵遺稿刻成題後並簡調生丈丙寅仲冬石渠

足跡半天下老爲航海遊價空酬市骨夢竟失回頭塵世

兵戈誤名山著述畱光苦猶萬丈其奈此生休

卅年空識面數日與論詩

癸亥之春遇丈  
滬上始共唱酬

重讀人何在深

交我已遲鍊才作金石遭忌及蛟螭

謂峽江覆  
舟失橐事

殘卷須珍

護千秋牘有斯

同人譏刻貝子木文遺詩漫書卷後二首丙寅三月瘦

羊潘鍾瑞藥